



Naleraq

07/10-2021
UKA 2021/21
Emanuel Nûko, Naleraq

Kalaallit Nunaata Aatsitassarsiornermi Aningaasaateqarfia pillugu Inatsisartut Inatsisaata allangortinneqarnera pillugu Inatsisartut Inatsisaat

(Utaqqiisaagallartumik naatsorsuutitigut teknikikkut aningaasaateqarfittut aqutsigallarnissaq)

Siullermeerinnineq

Siullermik Aningaasaqarnermut, Nunamut namminermut Naalakkersuisoq saqqummiussaanut qujanaq.

Kalaallit Nunaata aatsitassarsiornermi aningaasaateqarfia pillugu Inatsisartut Inatsisaat ulloq 1 januar 2019-meersoq allangortinneqarnissaat Naleqqamiit taperserparput.

Aningaasaateqarfiup allaffissornikkut kukkunersiorneranullu aningaasartuutit matussuserneqarsinnaanngippata, Naalakkersuisut tigusigallarsinnaaneranut tulluuttusoq isumaqarpugut.

Kalaallit Nunaata aatsitassarsiornermi aningaasaateqarfia aningaasartuutaasa missingersuusiornermi naatsorsuinermilu naammattumik amerlassuseqalernissaata tungaanut Naalakkersuisunut tunniunneqarallarnissaanut pissusissamisoortutut isigaarput.

Taama naatsumik naleqqamiit oqaaseqarluta Aningaasaqarnermut akileraartarnermullu ataatsimiititaliamut ingerlateqqipparput.